

Puncak Alam dilanda banjir kilat

Oleh AHMAD SHAHERMAN SHAMSURI

KUALA SELANGOR -

Lebih 200 penduduk di Jalan Lautan Samudera, Bandar Puncak Alam di sini terpaksa dipindahkan apabila kediaman mereka dinaiki air setinggi satu meter akibat hujan lebat kira-kira dua jam malam kelmarin.



Lebih 167 buah rumah di kawasan itu ditenggelami banjir kilat se-

lepas hujan lebat bermula pada pukul 6 petang.

Bagaimanapun, kesemua mangsa yang dipindahkan ke pusat pemindahan sementara di Surau Taufiqiyah, Sinar Alam di sini telah dibenarkan pulang ke rumah masing-masing pada pukul 6 pagi semalam selepas air surut.

Ekoran kejadian itu, pen-



NORAZAM mengeluarkan barang-barang yang ditenggelami air selepas banjir kilat di Jalan Lautan Samudera, Bandar Puncak Alam, Kuala Selangor semalam.

uduk menggesa pihak berkuasa menyelesaikan segera punca masalah banjir kilat tersebut agar ia tidak berulang pada masa akan datang.

Menurut seorang penduduk,

Norazam Yahya, 43, dia kini hidup dalam kebimbangan apabila kawasan yang didiami sejak lebih 14 tahun itu sentiasa diancam banjir kilat apabila hujan lebat.



SEBAHAGIAN penduduk terpaksa berpindah selepas banjir kilat melanda sebahagian kawasan di Bandar Puncak Alam, Kuala Selangor malam kelmarin.

Dakwanya, bencana tersebut menjadi semakin buruk apabila banyak pembinaan taman-taman perumahan baharu dan pusat komersial diwujudkan di sekitar Bandar Puncak Alam.

“Kami risau dengan keadaan cuaca sekarang yang tidak menentu, banjir boleh berlaku bila-bila masa. Jika tiada tindakan segera, kami risau keadaan banjir kilat di taman perumahan ini akan bertambah parah pada masa akan datang,” katanya ketika ditemui di sini semalam.

Sementara itu, Ahli Parlimen Kuala Selangor, Datuk Irmo-hizam Ibrahim (**gambar kecil**) berkata, banjir kilat di kawasan itu dipercayai berpunca daripada sistem perparitan yang tidak sempurna dan tidak diselenggara dengan baik.

Katanya, kejadian itu merupakan kali kedua berlaku di kawasan berkenaan selepas yang pertama terjadi pada Ogos lalu.

“Kali ini, air naik dengan cepat menyebabkan kawasan perumahan di Jalan Lautan Samudera ditenggelami air sehingga paras pinggang,” katanya ketika melawat mangsa banjir kilat di Bandar Puncak Alam semalam.

Lima kenderaan terperangkap dalam bah

SHAH ALAM - Sebanyak lima buah kenderaan terperangkap dalam kejadian banjir kilat di Seksyen U8, Plaza Tol Bukit Jelutong dan Jalan Kerjaya, Glenmarie di sini semalam.

Kejadian itu berlaku selepas hujan lebat kira-kira dua jam bermula pada pukul 1 petang.

Penolong Pengarah Operasi dan Penyelamat Bomba Selangor, Mohd. Sani Harul berkata, dalam kejadian di Seksyen U8 dan Jalan Kerjaya, Glenmarie, masing-masing sebuah kereta telah terperangkap manakala di Plaza Tol Bukit Jelutong pula, tiga buah kereta ditenggelami

air lebih satu meter.

"Bagaimanapun, kesemua kenderaan itu telah dialihkan oleh pasukan bomba ke tempat selamat," katanya di sini semalam.

Selain itu, hujan lebat yang melanda bandar raya ini turut menenggelamkan beberapa jalan raya ini termasuk di kawasan Seksyen 13, Seksyen 20, Seksyen 9, Batu Tiga dan Jalan Lapangan terbang Subang.

Sementara itu, di Klang, beberapa kawasan juga dilaporkan terjejas akibat banjir kilat antaranya, di kawasan Kampung Bukit Kerayong, Taman Sentosa, Bandar Puteri dan Jalan Kebun Nenas.



KEADAAN banjir kilat selepas hujan lebat di sekitar Seksyen 13, Shah Alam semalam.



LALUAN di Plaza Tol Bukit Jelutong di Shah Alam turut terjejas akibat banjir kilat.

17/11/2015
mls 14